

H I S T. Z A R I N G O - B A D E N S I S. 43

---

de Bourgoingue, de Lothr. de Brabant, de Stier, de Karinte, de Karniole, de Lembourg, de Luxembourg & de Gheldres, Conte de Flandres, de Habfbourg, de Tirol, Dartois, de Bourgoingne, Palatin de Haynnau, Lantgraue Delfate, Prince de Zvvaue, Marquis de Bourgavv & du fainct Empire, de Hollande, de Zeellande, de Ferrette, de Kibourg, de Namur & de Zuthphen, Conte Seigneur de Frize, des marches de Sclauonie, de Portenau, de Salins & de Malines, a tous ceulx qui cez presentes lettres verront falut. Comme a cause de nostre Joyeux aduenement & Reception a la Seigneurie de noz Pais & Duché de Luxembourg & Conte de Chiny tous les Estaz & Offices diceulx Pais estans a nostre disposition font escheuz vacans & memement lez Estaz de Lieutenant Capitaine & Gouverneur des dits Pais que nostre treschier & tresame Cousin messire *Christofle Marquis de Baden* a tenuz & exercez jusques a present. Par quoy nous loist en ordonner & disposer a nostre plaisir. Sauoir faisons que pour la bonne congnoissance que auons de nostre dit Cousin le Marquiz & de son bon & honnefte portement es dits Estaz & Offices. Nous Iceluy nostre Cousin confians entierement en ses Sens Discretion Vaillance Prudence loyaulte preudommie & bonne diligence. Et par laduis & deliberation de nostre treschier & tresame dame & tante *Larchiduceffe douaigiere de Savoye* & des gens de nostre priue Confeil & de noz finances auons continue & continuons & en tant que mestre est de nouuel commis ordonne & estably, commectons ordonnons & establifions par cez presentes en Iceulx Estas de Lieutenant Capitaine & Gouverneur de nos dits Pais & Duché de Luxembourg & Conte de Chiny en luy donnant plain pouuoir auctorite & mandement espe-

*Cod. Dipl. P. III.* F 2